

Progetto "SU SARDU: LIMBA BIA" servizio di gestione dello sportello linguistico, formazione linguistica e attività culturali di promozione linguistica in lingua sarda

Avviso TuLiS 2025-2027

Avisu Pùblicu pro pigare parte a su cursu de formatzione linguistica postu in contu in s'àmbitu de su progetu "Su Sardu Limba bia"

Sa Provintzia de Aristanis e Orientare srl cun s'agiudu a manu de pare de su Tzentru Servitzios Culturales U.N.L.A. de Aristanis cuncordant in s'àmbitu de su progetu "SU SARDU: LIMBA BIA!" finantziadu dae sa Regione Autònoma de Sardigna in s'àmbitu de su Programma regionale Tu.Li.S. 2025-2027 - Amparu de is Limbas Sardas (L. 482/1999, LR 22/2018 e LR 6/2012), unu cursu de formatzione base de limba sarda.

Sa punna de su cursu est cussu de promòvere a totu is livellos s'impreu de sa limba sarda, a nde favorèssere s'ispanigadura e a nde ammanniare is cumpetèntzias linguísticas de is tzitadinos e de su personale de s'amministratzione pùblica. Su cursu de formatzione base de sa durada de 30 oras, s'at a fàghere movende dae su 16 de su mese de làmpadas de su 2026 cun sa punna de achirire cumpetèntzias de sa limba sarda faeddada e iscrita.

Su programma de su cursu base at a tènneru a ogetu custos argumentos: s'alfabetu e is règulas fonéticas e fonosintáticas; su lèssicu, s'ortografia e sa morfosintassi; temas normativos, sotziales e istòricos de sa limba sarda; esertitzios pro cumprèndere unu testu.

Su cursu de formatzione est a indonu e est deretu a non prus de 30 dischentes.

Su cursu s'at a fàghere in presèntzia in sa sea de su Tzentru Servitzios Culturales U.N.L.A de Aristanis in sa bia Carpaccio 9, sa giòbia a mangianu de is 9.30 a is 12.30. Est postu in contu unu atòbiu a sa chida de tres oras. Is letziones ant a inghitzare su 16 de Làmpadas e ant a acabbare in su mese de Austu de su 2026.

Acabbadu su cursu de formatzione is dischentes ant a dèpere fàghere un'esàmene e ant a retzire un'atestadu de frequèntzia, cun iscritu su livellu e su nùmeru de is oras frequentadas. Pro fàghere s'esàmene e pro retzire s'atestadu si depet frequentare a su mancu su 70% de is letziones postas in contu dae su cursu.

Is domandas de iscrivizione ant a dèpere èssere mandadas a sa Provintzia de Aristanis imprende su mollu aunidu e mandende totu is documentos a s'indiritzu de posta eletrònica:

limbasarda@provincia.or.it cun ogetu. "Iscrivizione cursu base limba sarda" 2026. Sa domanda de iscrivizione depet arribare intro e sena de sartare s' 11.06.2026 e s'at a dèpere intregare isceti compilende s'allegadu 1 - Domanda de ammissione a su cursu base de Limba Sarda.

Sa domanda, in prus, tocat de nche dda acumpangiare de Carta de identidade bàllida de su chi firmat;

Is domandas s'ant a atzetare sighende s'ordine de arribu. Is chi ant a èssere ammissos a frequentare s'ant a avisare a posta eletrònica a s'indiritzu remonadu in sa domanda de iscrivizione.

Is domandas intregadas sartada sa data de iscadèntzia remonada a subra o a manera diferente dae cussas postas in contu in custu Avisu, non s'ant a pigare a cunsideru.

Progetto "SU SARDU: LIMBA BIA" servizio di gestione dello sportello linguistico, formazione linguistica e attività culturali di promozione linguistica in lingua sarda

Avviso TuLiS 2025-2027

Custu avisu est publicadu in su giassu web de sa Provintzia de Aristanis www.provincia.or.it.

Pro informos a pitzus de su cursu faghet a s'indirizzare a:

Isportellu de limba sarda de sa Provintzia de Aristanis:

Telèfonu 0783 793413

indiritzu p.e. limbasarda@provincia.or.it

lunis	h 8:30-13:30	
martis	h 8:30-14:00	h 15:00-17:00
mèrcuris	h 8:30-13:30	
giòbia	h 8:30-13:30	
chenàbura	h 8:30-13:30	